



HEinricus Vuoleb insigni animi & corporis
 fortitudine fuit præditus. Itaque à teneris an-
 nis cum suis Heluetijs militiæ operam dare atque
 bellorũ castra sequi cœpit. prima belli auspicia con-
 tra Carolum potentem Burgũdiæ ducem peregit.
 Vbi etiam, principe illo aliquot prælijs uicto, & tã-
 dem ad Nansen occiso, magnam uirtutis opinio-
 nem nactus est. Postea cum Carolo Galliæ rege at-
 que Heluetiorum peditatu in Italiam & Neapoli-
 tanum regnum profectus, magna gloria ordines
 duxit, atque res sibi commissas fortiter administra-
 uit.